

欽定剿平三省邪匪方略

欽定剿平三省邪匪方略正編卷二百三十八

辛酉年

二月十七日

癸亥

吳熊光奏言

臣

接據防江文武

稟報有賊匪一股由均州之孫家灣草店分投
奔竄查此股賊匪既竄入均境恐其勢成東趨

臣

早飭令下游沿江駐守各文武員弁嚴行提

禁船筏臬司完顏岱又帶領

臣

標新兵一千餘

名前往光穀一帶跟蹤防堵楚省官兵聞亦繞

道抄截似可無虞偷渡但聞均州以上尙有賊
股窺伺盧氏距南路稍遠調度未能迅速

臣

現

卽起程由朱陽關一帶查閱西路各邊防前赴
南路就近督率完顏岱並南汝光道陳鍾琛等
嚴防以昭慎重至陝省賊匪馬五王廷詔等逆
現分竄盤匿老林藏匿距豫邊已遠但南山一
帶重巒疊嶂路徑紛歧一經剿急難保其不銜

而走險又高二雖已殲斃尚有殘匪二百餘人
未經剝淨豫省盧浙邊境駐劄官兵未便抽撤

臣已諄札鎮臣常林田永桐等督率各將弁兵

丁照舊確探嚴防勿稍疎懈臣俟到荆子關後

察探陝省情形再赴鄧州一帶駐防以便兼顧

西南兩路奏入

上命軍機大臣傳諭吳熊光曰吳熊光因楚省賊匪

由均州之孫家灣分股奔竄恐其勢欲東趨卽由
朱陽關一帶前赴南路就近督率嚴防所見甚是
此時豫省以防守江岸爲要前此陝省竄過漢江
之賊或假扮官兵喚渡或係搶取船隻並非躡淺
偷渡其下游沿江船筏吳熊光已飭令提禁自應
如此辦理吳熊光並當出示曉諭毋論民人商賈
往來船筏毋得泊近南岸倘經飭禁後仍有私行

過渡希圖微利者卽嚴擊究辦以示懲儆庶江防
益昭慎重至陝省賊匪現向西竄距盧浙一帶較
遠况現有額勒登保帶兵在漢江北岸督剿高馬
等竄敗餘匪現據長麟奏報在沔縣殲戮一千餘
名已有入川之勢斷不能越過豫境但該處防兵
仍未便抽撤著吳熊光轉飭常林田永桐等督飭
各卡隘照舊守禦毋稍疎懈

上又命軍機大臣傳諭書麟曰本日據吳熊光奏報
現有賊匪一股由楚省之均州孫家灣一帶奔竄
該匪既入均境其勢恐欲東趨當飭令沿江駐守
文武各員嚴行提禁船筏並臬司完顏岱等帶兵
前往光穀一帶跟蹤堵截吳熊光由盧氏前赴南
路督防江岸等語前據書麟等奏稱徐添德一股
由花果園向東奔竄長齡明亮帶兵抄赴前途迎

頭兜截不使該逆闖入均穀境內書麟酌帶兵勇
在房竹一帶往來策應迄今已隔六日尙未見伊
等續有奏報而吳熊光所稱竄近均州之賊想卽
係徐添德張允壽等逆分投奔竄茲據稱均州以
上尙有賊股竄伺又係何股賊匪書麟應督飭長
齡明亮等上緊抄截斷不可令其深入均州並查
明各股賊匪係何名姓從何處逸出卽行迅速具

奏再賊匪既經分股東向長齡等官兵自俱由東
面攔截其已經截回之苟文明李彬等逆難保其
不思乘間竄回並恐龍紹周一股或見楚省邊界
空虛亦思接踵竄入則二竹鄖陽一帶防禦尤爲
緊要書麟等務須熟籌兼顧將各股賊匪嚴密兜
剿逼向西趨並於二竹等處派兵嚴密防堵勿令
賊匪乘虛竄入方爲妥善並著將連日如何兜截

均州竄匪打仗得勝情形及二竹一帶現派何人
在彼防堵速行馳奏以慰顧注

二十日

丙寅

額勒登保奏言竊

臣

昨督兵入山剿

辦賊匪與德楞泰面籌分路兼顧川楚德楞泰
帶兵起行後

臣

暫於五郎之柴家關一帶督率

各路官兵轟擊南山之賊查得高三馬五王廷
詔伍懷志冉學勝等股匪及高二餘孽被剿緊

急遁匿南山倚險負嵎藉延殘喘因山深林密
冰雪未化料我軍不能深入以爲得計詭詐實
爲可恨而南山一日不淨究爲陝境腹心之患

臣飭令各路官兵不得稍有畏難務須設法盡

力轟擊楊遇春格布舍等在西穆克登布豐紳

等在東均親率步兵逼剿臣率同札克塔爾又

在火地東嶽殿控扼發兵四面搜捕而北面各

峪口有臬司王文湧文需道員素訥等率領壯勇攔堵西安副都統祥保亦率兵在峪外嚴備該匪等未敢奔出平原節據探報高三馬五王廷詔等逆零星分股翻越深山老林西竄棧道一帶經長麟一路官兵探蹤兜截於鐵爐川茶子嶺一帶獲有勝仗頃並接據沔縣知縣馬允剛稟報楊遇春由馬道抄赴褒沔一帶初五日

前抵黃沙初六日五鼓帶兵由元山寨晏家灣
緊剿前股之賊於石罐子溝一帶大獲勝仗隨
接長麟來信云是日楊遇春等兩次與賊打仗
殺賊共有七八百名生擒六百餘名虜斃偽元
帥賈志茂偽總兵尤登科偽先鋒魏文賊目羅
士柱等因尙未據楊遇春報到想長麟自己就
近具奏又長麟於初七日亦督師由新集進剿

途次聞高三等後股賊匪竄至五道梁有王胡
兩賊帥在內長麟以前股已有楊遇春等追擊

遂仍折回舊州舖飛探竄蹤截擊

臣

查高馬王

等逆經我軍逼剿入山其或分或合該首逆等
之在前在後原未可定但楊遇春已追擊獲勝

長麟又探蹤趕辦並知慶成亦已帶兵前至黃
官嶺等處協剿諒不難剋期掃蕩

臣

當卽知會

長麟與楊遇春等務當趁賊殘敗現在山勢稍寬之處確探首逆並速行殲淨餘黨倘該逆等或至潰竄入川楊遇春亦卽緊追入川並不得以前股零竄之賊輒卽全軍趕擊致殺股之賊復有滋蔓至伍懷志及高二餘孽前此分竄澇峪田峪甘峪一帶穆克登布豐紳等總恐其竄向東北因帶兵由田峪從北向南逼剿正值伍

懷志股匪竄至兩甘口欲出甘峪聞穆克登布
等兵到卽折竄西甘峪穆克登布與豐紳帶兵
緊追至柿園地方追及賊尾立斃一百數十人
該匪搶上觀音山恃險抗拒兵勇併力仰攻奈
山勢過險無坡坎可以立足該匪恃其先占山
頂飛石如雨並疊次下撲穆克登布豐紳等同
綸布春一面督兵力禦一面於對面山坡另派

將弁安設大礮轟擊眼見賊匪中倒斃者十餘人賊始退過山巔兵勇亦有受傷陣亡者訊據獲犯鄒文翰柯秉端費輝祖等供稱伍懷志於去歲本只剩有二百餘人後有官兵剿潰之由學勝股內零匪及各股內剿散之賊先後合夥加以附近裹脅之人現不下三千餘衆並稱高二餘孽另又分入老林審明後當將該匪等正

法旋探該匪等又竄大柴碓韭菜坪等處穆克
登布豐紳仍在覓路趕擊而賊匪既多山路又
復分錯臣恐一路官兵不能兼顧臣於柴家關

一帶先後搜獲賊匪二十餘人附近已無賊蹤
卽帶同札克塔爾領兵從魚洞子五郎河甘家
碓而進以便與穆克登布等並剿伍懷志各逆
該匪聞風便由瑪瑙溝土地嶺金雞梁向東北

竄逃現有奔江口之勢穆克登布等已帶兵截

剿

臣

刻由沙坪獅子坪前往抄擊總期痛事殲

殺惟冉學勝股匪奔竄厚畛子都督河業已向

西高二餘匪亦翻牛嶺西竄是各匪刻已不能

久匿深山雖東西兩面分竄

臣

帶兵已在東面

此時長麟等正在西面

臣

隨札致長麟隨時偵

探冉逆去向相機截拿並專派總兵楊奎猷抽

帶兵勇二千餘名於華陽入山緊探再逆賊蹤
剿辦以免顧此失彼此時各賊匪不能久存山
中分路逃竄較之盤踞山內兵力易施臣斷不

肯稍予以暇並查南山一帶山勢實屬過險賊
匪既淨之後必須預杜其復行竄入現在團寨
事宜已經長麟專派司道及大小委員籌定章

程分段趕辦寧陝一鎮臣昨又札調總兵劉之

仁來營面告以設立營制事宜并抽撥兵勇共計三千餘名統交該鎮管領於山內搜捕餘孽並督催協辦此一帶寨堡不令賊匪再有窺伺再漢江南岸賊匪臣連日接據稟報龍紹周唐明萬等逆月前十八九等日由梁家墳竄向東北經喜明溫承惠柯藩等各帶兵勇公路截剿喜明帶兵到梁家墳賊匪直前衝撲我兵鎗礮

齊發殲賊四五十人正在與賊相持柯藩一路
兵勇亦到望見賊匪正與喜明相持卽率衆抄
至賊後從山梁下壓賊匪登時慌亂我兵兩面
夾擊馬隊箭如雨下兵勇鎗礮齊發斃賊二百
四五十人礮斃執旗騎馬賊目一名賊匪四散
奔竄翻過大梁仍折歸西路賊又由西而北至
龍王廟一帶喜明溫承惠柯藩趕過龍王廟抄

截賊知北面有兵仍從龍王廟折向西竄喜明等督飭兵勇跟蹤追剿沿途均有斬獲馬玉魁前因苟文明分股千餘人從平利會家壩奔竄帶領官兵並守備王英率領鄉勇趕往截剿賊已竄至竹谿之花園地方探得尙有後隊一股亦從會家壩接踵奔竄馬玉魁帶領兵勇疾馳行走趕至黃栢墳亢喜坡攔堵正遇賊匪由石

嘗河東竄馬玉魁及守備王英等奮力迎擊殲
賊七八十人賊匪左右衝突總欲竄過黃栢墳
兵勇併力兜截遂紛紛折竄喜明等聞信又帶
兵於廟兒坡迎剿殺賊一百餘人投出難民數
十人訊知此殺賊目姓張亦有千餘人已由安
康之蘭河口西遁其龍紹周唐明萬已分竄至
安康之左林溝紫陽之馬鬃嶺二十六日又分

股至紫陽之雞鳴坡芭蕉口等處逼近江岸額
勒亨額帶兵於洞河口堵截汪啟帶兵於喚姑
灘堵截並飭叅將額爾畢濟呼於瓦房店攔截
二十七日晚間賊匪於汝河口大力灘分路搶
撲江岸額勒亨額汪啟督率將弁鎗礮轟擊該
匪未能搶越均相持至夜半始行遁去官兵亦
因夜深隔江未敢輕進賊匪於次日早間又攻

撲通風店營卡額爾畢濟呼率兵擊退斃賊三十餘名兵丁亦有傷亡並據漁渡營都司張俊署紫陽令張占稟報川境賊匪於上月二十八等日竄至十二壩經慶成一路官兵探剿復走火燄溪意欲偷越元壩子營卡都司張俊會同署縣丞李晶率領兵勇由廟灘河路口堵截鎗礮擊斃執旗賊目一名餘賊五名該匪遂由

紅巖山衝卡竄向太平之皮貨舖而去似係張
世龍等餘匪又探得樊人深股匪由川界之大
竹河竄至繞溪河初六日已至紫陽之斑鳩關
各等語似此則目下賊匪又在川陝邊界昨德
楞泰與_臣分路之時原擬從興安過江頃接德
楞泰來信途次漢陰因接有安康等處稟報賊
匪現分竄距城二十里之銅車壩情形緊急德

楞泰卽兼程趕往臣約計德楞泰日內已抵安

康正可迎頭痛剿其楚境徐添德一股前由陝
竄楚時人數本不甚多卽隨後竄往之苟文明
及曾芝秀股匪亦不過一千數百人近聞楚中
賊有五六千之衆自係襄脅者居多但節准書
麟等來信已屢經獲勝斬獲不少賊數漸減諒
亦易於撲滅並接勒保來信樊逆等股匪自前

次剿潰之後經七十五等又於巴州通江一帶
得獲勝仗將首逆王士虎殲斃餘匪現奔通太
一帶是近來各路軍情仰仗

聖主天威均極順利臣現剿之南山賊匪未能刻卽

痛洗晝夜焦悚惟有設法趕緊轟擊倘有未淨

餘匪及分竄之賊可以放心派交鎮將搜剿臣

卽當酌量各路情形或赴漢南或赴楚境擇其

何處緊要卽先往何處督率剿辦以冀及早蕝
事奏入

上命軍機大臣傳諭額勒登保曰額勒登保奏長麟
一路截剿高馬分股賊匪及楊遇春等在石罐子
溝一帶大獲勝仗情形業經長麟等奏到至伍懷
志及高二餘逆前經官兵剿殺已祇剩二三百人
今又據獲犯供稱伍逆等餘匪現不下三千餘衆

何以忽添如此之多即使冉學勝等股內之賊竄入合夥亦不過零星餘匪或山內稍有裹脅亦何至遽增至三千餘衆此必係前此剿辦時各匪俱向山內潛匿額勒登保等所奏祇剩二百餘人本非確實今該匪等又復紛紛竄出人數日多難以卽時搜捕不得不據實奏出似此剿敗餘匪官兵動爲牽綴日久迄未殲除所辦何事試思勒保在

川已將賊首徐萬富王士虎先後擊斃連獲勝什
德楞泰將首逆高二殲斃殺賊數千軍聲大振現
又帶兵前往安康自當捷音踵至卽湖北徐添德
等股經書麟督兵截剿亦屢有斬獲而漢江龍紹
周等逆竄向東北亦經喜明等分路截擊斃賊多
名額勒登保係經畧大臣統領重兵剿此潰敗餘
匪轉不能速行剿盡致賊匪日聚日多朕卽欲加

恩亦屬恩無可施且其所斬獲不過一百餘人及
二十餘人又何足數並恐係賊匪裹脅之老弱難
民皆非真賊此總由額勒登保惟知派兵入山東
追西逐自尋拙路又如前冬那彥成搜捕竄匪之
事辦理實爲遲緩額勒登保著傳旨申飭現在湖
北賊衆兵單已降旨令德楞泰前往協剿所有漢
南各股賊匪德楞泰赴楚後現無大員督辦若俟

額勒登保將南山各股餘匪剿淨之後再移師漢南督剿未免需時著額勒登保察看情形如南山潰敗餘匪所剩無多或交長麟楊遇春并另派鎮將等在彼剿辦額勒登保卽應移兵漢南速將龍紹周等逆上緊殲除勿令肆竄爲要又據奏稱南山一帶賊匪旣淨之後必須杜其復行竄入已抽撥兵勇三千餘名交總兵劉之仁於山內搜捕餘

孽并督催團寨諸務不令賊匪再有窺伺等語果
能如此方爲妥協但前此陝省江北肅清後伊等
何嘗不以派兵扼要防堵不令復行竄渡爲言而
截回賊匪仍復紛紛續行折竄漢江北岸可見僅
托空言於事何益今額勒登保業經遲悞於前此
次山內餘匪既經轟出之後若復防範不力又令
竄回逃入山內則疎防之罪責有攸歸無可諉卸

額勒登保務須自知愧勵實力督辦迅速殲除淨盡以贖此一兩月遷延之咎一俟分竄之賊概行剿竣卽酌量情形何處緊急相機前往督辦於三月以前一律廓清毋再遲延干咎

同日書麟長齡明亮奏言竊_臣等前於獅子巖

北星河等處分道痛剿徐苟李等逆匪衆並陣斬僞總兵卜興昂僞先鋒魏鍾鈞等仍卽分兵

抄赴前途迎截臣等查徐添德張允壽二逆在

賊衆中最爲兇狡詭譎又連歲入楚道路尤爲

熟悉萬不可任其竄赴均穀襄宜惟有抄至賊

前始能截其東竄之路臣長齡明亮鼓勵兵勇

兼程前進初二日行次八道河探得賊匪已在

奈家河高尖山一帶四出焚掠分起散竄總向

東路狂奔是晚抽撥各營官兵四路放哨並於

山溝內令兵勇埋伏至三更時該匪膽敢乘夜
撲營經放哨官兵鎗箭齊發立時擊退該匪卽
由山林遁逃復遇埋伏兵勇鎗破並施匪衆卽
扒山遁去黎明查看各處擊斃賊屍一百餘名
拋棄刀子五十餘件並獲賊鄭貴等二十四名
訊稱徐掌櫃大隊現紮草店今日探知官兵已
抄向東面令北路何總兵挑出好矛手先來偷

營不料官兵預爲埋伏傷斃多人我們均因受傷被拏是實餘供僉同當將該犯等一併正法隨卽尋蹤跟追沿途搜獲探信賊匪王世福等十七名趕至沙窩遙望左右山梁有步賊千有餘人_臣等飛派委叅領卓爾渾保都司王占鰲等帶領前隊兵勇追擊擒獲二百餘名並據探報該匪大衆尙在觀音堂屯聚時已酉末仍恐

該匪繞赴東面窩合侍衛恒崑雙福守備陳應
彪千總楊永順等挑選奮勇馬步官兵一千餘
名連夜由北面翻山抄撲賊營臣長齡明亮督

率前進恒崑等統近觀音堂天色將曉我兵俱
在賊之東面鎗礮轟擊賊衆驚亂立時斃賊四
百餘名臣長齡明亮復督率後隊兵勇將賊衆

逼向西南分投追趕又斃賊三百餘名該匪由

紫荊洞壘子口南河一帶逃遁生擒胡思紅等
六十五名搶獲騾馬旗幟刀子甚多臣等當飭

兵勇暫爲停紮並將獲犯細訊供稱係白號營

內有三元帥一姓楊不知名字一名胡名元一

名崔宗和都是襄陽人共有五千餘人聽說陝

西德將軍大兵都要過江來大衆害怕陝省又

無虜掠大家計議不如分起偷過楚省可以逃

命正月底前白河縣深林密箐無人行走地方
陸續偷過遇人盤問卽說逃出難民昨日到周
家灣三個元帥因派兵不公爭角次日分營胡
崔二元帥帶三千餘人由孫家灣走向房縣楊
元帥帶我們二千餘人趕上徐掌櫃合營今共
有一萬多人他們商量要從均州下襄陽探聽
江邊如有舢隻就裝官兵渡過河南去如不得

船就下宜城、荊州等處搶掠人馬。今連日官兵
截殺不能下去。昨日改路由白玉溝竄至南河。
要奔南漳。我們俱係戰手，當卽正法。臣長齡明
亮等仰仗。

天威連日抄截青、白二號賊匪，業已過佳東面，逼向
西南。穀城、襄陽等縣得以保全。但該匪詭計多
端，若由房、山內竄赴南漳，遠安處處有路可

通東北仍當緊躡剿除

臣

書麟督率孫清元吉

林泰由房縣一帶追剿荷李二逆行抵青峰節

據兵勇寨民探報房縣北境樊家河香爐山常

家河一帶有另股賊衆三千餘人攻撲寨峒查

該處俱係重山疊嶂路徑錯雜必應分隊進剿

臣隨卽派令孫清元吉林泰等帶領兵勇作爲

一路由香爐山進剿總管托爾托保侍衛常祿

阜祿等帶領馬隊作爲一路由樊家河進剿又
叅將馬德舒遊擊拉里帶領兩營奮勇官兵由
常家河一帶探迎抄截該將等行抵白石石見
有馬賊百餘人步賊四五百人蜂擁而來馬德
舒拉里直前迎敵立斃賊匪一百餘名當卽奔
潰追至龔家溝突出賊匪五六百人並有騎馬
賊匪二三百人前路潰匪折回幫助馬德舒拉

里千總周華長猝不及備奮力殺賊數十名俱
身中矛傷數處力竭陣亡守備羅綸率領千把
外委李連得朱魁鄭名彪杜桂明蘇繼雄等從
旁趕到當卽衝入賊隊刀砍矛戳應手而斃搶
出馬德舒拉里屍身外委杜桂明下馬搶屍亦
被賊矛刺死李連得鄭名彪俱受重傷孫清元
吉林泰托爾托保等馬步兵勇兩路齊到奮力

追殺賊衆大潰斃賊五百餘名獲賊李魁聖等
一百七十三名奪獲馬騾牛隻不計其數該處
寨峒俱獲安全該匪不敢東趨俱向牛口馬蘭
一帶狂奔南山臣當將獲犯訊明從賊年久放
火殺人之李魁聖等七十五名俱行正法其餘
菊光宗等九十八名俱係裹脅良民當卽釋放
並據探報苟李二逆尙在游奕設無官兵追擊

難保不仍復折回東甌又據竹谿邊卡都司王
有守備胡宗興等疊次稟報川省大寧縣雞心
嶺一帶現有餘匪窺伺楚境伏查楚省兵力稍
單此時分爲兩路已屬勉力支持現在經畧額
勒登保叅贊德楞泰兵威大振各股匪徒無不
聞風喪膽俱向兵少處逃生設再有另股偷入
卽無官兵可分且徐添德張允壽二逆亦非

臣

長齡明亮一路兵力所能掃除

臣

等焦慮再三

惟有抽調卡兵召募鄉勇另成一隊即可策應
各路官兵並可迎截偷竄匪徒以期迅速蕩事

似爲眼前要著

臣

書麟仍令孫清元吉林泰托

爾托保等帶領馬步兵勇跟剿此股餘匪兼辦

苟李二逆卽向房縣廖家河一帶前進

臣

書麟

同至房縣飛集官兵召募鄉勇再爲相機剿辦

此次連日接仗兵勇間有損傷容俟查明各部
辦理

書麟倭什布又奏言竊照賊匪頻年竄擾焚掠
村庄民遭戕害我

皇上洞察疾苦爲籌保衛之道

特頒諭旨責成督撫令各府州縣認真團勇悉心捍
禦並派道府大員親往分管以專責成等因竊

思團勇之法必使有自守之地而後可以禦賊
故勸民團練鄉勇必先勸其多築堡寨俗以在
平地者爲之堡在山嶺者謂之寨名異而實同
楚省荆襄鄖陽一帶先因賊匪擾掠民間卽有
自築堡寨以守衛者後經姜晟專委丁憂道員
田灝督飭各州縣勸諭陸續增添臣等前此帶
兵往來高山平行之處或數里或數十里實會

自擊土築石砌大小不等女牆屹立儼同城郭
官兵經過時居民俱登陴守護鎗矛林列

臣

等

近前慰勞該紳士等偵知實係官兵始開門出

迎察其守禦甚爲嚴備亦有村庄散處未經築

有堡寨者

臣

等詢問居民據稱或因室廬零星

遠隔戶口無多不能聚於一處或戶口雖多遭

賊蹂躪之餘無力刱建以致因循此楚省堡寨

之情形也臣等接奉

諭旨後卽先行出示曉諭嗣因竹山縣寨洞鄉勇陳

秉寅鎗斃執旗騎馬賊匪蒙

皇上賞給官職臣復恭錄

諭旨遍行宣示使之觀感興起以收衆志成城之效

一面督令各州縣廣爲勸諭將零星散處之戶

酌量於適中之地公築小堡集處其中其無力

湖建者官爲捐給銀兩先爲之倡卽責成道員
田瀨督率各該知府分往勸導務使村莊之民
盡歸堡寨有以自固再按其人數之多寡酌給
器械火藥爲練勇守禦之具臣等於經過處留
心查看如有未築堡寨者自係該管官不能實
心經理卽據實叅奏如果能認真勸諭全境皆
有堡寨可守亦卽奏請

施恩獎勵並嚴飭該府州縣等務須仰體

皇上愛民之心好爲勸化使之踴躍從事斷不可委
之差役責成鄉保危言仰勒轉致釀成事端至
於城內城外初無分別地方官自當一視同仁

臣等亦已嚴行告誡如遇賊匪竄近務當親率
兵勇出城奮力堵截不得以保護城池爲名閉
門自守置村莊於不顧且民間有堡寨團勇協

力相助益足以壯士氣而資聲援尤爲事半功

倍臣等察看現在各州縣頻年辦理防堵糧運

備嘗艱苦衆心實圖及早歲功是以前此雖有

殘破之區從無臨難苟免之事卽如正月間徐

添德餘匪竄至竹谿城外之椒嶺岡地方滋擾

卽經該署縣郭淵極會同營員率領兵勇出城

剿捕多有殲戮尙不敢玩視民瘼徒爲自全之

計臣等惟有合力同心明示賞罰更相激勸以期賊匪早就殄滅均奏入

上命軍機大臣傳諭書麟長齡明亮曰此次徐添德張允壽二逆欲圖竄至均襄一帶長齡明亮鼓勵兵勇兼程前進在奈家河高尖山地方預行埋伏乘賊匪撲營時奮力截擊接蹤追剿先後殲擒賊匪一千餘名過往東面偏向西南襄毅等縣得保

無虞所辦甚好長齡明亮以著交部議敘其帶兵抄撲賊營之侍衛恒崑雙福等亦爲出力並著書麟等查明應行議敘者奏明咨部議敘應陞用者奏請陞用其苟李二逆經書麟等督率孫清元等由房縣一帶追剿而房縣北境另有賊股三千餘人攻撲寨嗣書麟卽派令孫清元等分隊進剿奮力追殺斃賊五百餘名獲賊李魁聖等一百餘名

所辦亦好所有衝入賊隊尤爲出力之守備羅綸
及千把外委李連得朱魁鄭名彪蘇繼雄等俱著
加恩照原官陞一等補用其殺賊陣亡之叅將馬
德舒遊擊拉里千總周華平長俱著咨部賜卹外委
杜桂明因搶取馬德舒筆寸屍身被賊矛刺死著咨
部照把總例賜卹又據總兵苟李二逆尙在南山遊
奕設無官兵追擊難保不仍復折回而竹谿邊未

又疊次稟報川省大寧縣雞心嶺一帶現有餘匪
窺伺楚境等語看來楚省情形實屬賊多兵少且
武漢等處又有難民饑民人數甚衆若被賊匪聯
絡勾結更屬不成事體現已降旨令德楞泰卽由
漢南移師入楚協同剿辦書麟等惟當先就現有
兵力悉心調度一俟德楞泰至楚併力奮擊以期
迅就殲除至籌辦團勇一事自屬目前急務書麟

惟當廣爲勸諭以伊等團勇築堡既可自衛身家
且現今懸立賞格若能殺賊立功又可得受重賞
並得邀恩卽用官職何苦坐受賊匪蹂躪漫無準
備如此剴切詳示自必人人踴躍用命至教匪滋
事五年以來皆係逃死愚民非真叛逆但能官清
吏肅實心化誨安撫流離自當事半功倍可收衆
志成城之效

上又命軍機大臣傳諭德楞泰曰前因龍紹周等股
亟須大員督辦降旨令德楞泰卽行移師漢南昨
據德楞泰奏已帶領原兵徑赴安康一帶過江督
剿今據書麟等奏徐添德大股賊匪已逼向西南
而苟文明李彬二逆經官兵剿殺尙在南山遊奕
難保不折回東竄又川省大寧縣雞心嶺一帶有
餘匪窺伺楚境是楚省情形實屬賊衆兵單有難

以兼顧之勢且武昌漢鎮等處現有饑民難民紛
紛就食人數衆多若被賊匪聯絡勾結更屬不成
事體况川東之賊又恐由大寧入楚自應先清楚
省爲最要現已諭知額勒登保如南山潰敗餘匪
剿剩無多或交長麟並另派鎮將等在彼剿辦額
勒登保卽移兵漢南督剿德楞泰此時如已將龍
紹周等股賊匪殲除固屬甚善但不得將龍逆等

股逼向東趨令楚省又添新賊倘此時漢南各股
尙未剿淨不如暫行派喜明等接辦俟額勒登保
到彼督率奮擊德楞泰接奉此旨卽帶得勝之兵
速赴楚省會同書麟等擇要進擊或在楚剿淨或
轟出境外總期將楚省各股賊匪由東北逼向西
南勿令日久屯聚楚境倘賊匪由大寧一帶竄川
德楞泰卽可跟蹤入川奮力剿擊以期剋日剪除

並將何日可入楚境之處先行馳奏以慰懸厪

同日書麟又奏言查嘉慶四年十二月軍機大臣會議鄖陽等處添駐文武大員一摺請將湖北漢黃德道一缺裁去改爲鄖陽道又鄖陽協副將請改爲鄖陽鎮總兵移駐竹山竹谿地方等因經姜晟遵

旨議奏漢黃道缺難以移汰所有鄖陽添設道員之

議似可停止其向設之鄖陽協請改爲鎮奉

旨鄖陽改設鎮道一節俟書麟抵楚後卽移交核議

再行具奏等因

臣

於上年馳赴軍營經過襄鄖各

屬卽節次帶兵籌剿俱係鄖陽府屬之竹山竹

谿房縣保康等處一月以來審度地勢情形畧

已得其梗概查鄖陽一府控襄陽之上游界連

河南川陝幅頓遼澗山林阻深卽如房縣一屬

綿亘八百餘里其餘五縣廣袤險要大畧相同
向來僅設一協原不足以資控制惟籌議移駐
事宜須合湖廣南北兩省大局通盤核議爲久
安長治之計似未便因鄖屬現辦軍務專就一
郡情勢而言臣愚以爲添鎮臣爲邊郡之屏藩
不如添提臣爲全省之領袖查湖廣提督向駐
常德自鳳凰三廳戡定之後奏准於辰州常德

兩處輪流駐劄近因苗疆緊要專駐辰州臣去

冬路經該處面晤提臣王柄知湖南內地各標營尙未暇徧行閱看其湖北一省相距更遠尤難兼顧是湖北官兵歸於提臣管轄本屬有名無實查襄陽控引河南之新野鄧州爲全楚北面門戶武漢黃德等郡峙其東荆宜施峙其西南皆以襄郡爲咽喉之地該處水陸衝要五方

雜處最易藏奸是以楚北教匪竄擾五年而襄陽實爲起事之地應請設立湖北提督一員駐劄襄陽府城職分旣大兵力較多庶全省標營有所統轄其湖廣提督應請改爲湖南提督專轄湖南至襄陽鎮總兵向駐穀城縣距襄陽府一百四十里今襄陽已請添設提督所有向駐穀城之總兵應請移駐鄖陽府城改爲鄖陽鎮

總兵相距襄陽五百餘里西北可以固陝豫之藩籬西南可以嚴川省之捍蔽其向駐鄖陽府城之副將一員查竹山縣北面緊接陝界東距襄陽較遠俱在三四百里請將該副將移駐竹山縣城改爲竹山協副將更覺聲勢聯絡愈形周密查竹山西距竹谿一百八十里南距房縣一百八十里該協卽可就近控馭似此節節有

提鎮大員駐守不獨清目前之妖氛實以嚴日
後川陝豫楚四省之控制其應行添設移駐營
制官弁兵丁開具清單恭呈

御覽伏候

聖裁其一切詳細章程俟

命下之日再行詳晰籌議具奏至部議裁去漢黃德
道改爲鄖陽道員一節臣查漢黃德三府均屬

下游該道有督查之責職任甚重未便請裁且
鄭陽已移駐總兵亦已足資彈壓所有鄭陽移
駐道員之議應請照姜晟所奏毋庸添設奏人
得

旨大學士九卿速議具奏

欽定剿平三省邪匪方略正編卷二百三十九

辛酉年

二月二十一日

丁卯

勒保奏言查樊人傑等股匪

衆自經

臣

督兵於碑灣寺將徐萬富殲斃旋即

竄遁通江又經七十五將王士虎射死餘逆奔

向南江復被阿哈保薛大烈一路官兵截殺未

令入陝茲

臣

自保寧起身趕赴前敵途次接到

七十五來信以川北可以放心適接

臣

續發之

信囑其就近剿辦陳朝觀辛聰等股之賊該提督擬由達州取道新開探賊迎剿旋據阿哈保薛大烈報稱連日樊人傑等逆率其敗殘餘匪日行一百四五十里翻山越嶺晝夜狂奔據逃出難民供稱該逆等本有四五千人屢被官兵剿敗祇剩一千六七百人因聞辛聰等現在川東急欲前往合夥等語阿哈保等每日窮追未

得趕上痛剿兼以阿哈保感冒風寒舊病復發不能乘騎遄馳當經薛大烈派人送至大成寨調養該鎮卽帶滿漢官兵由東鄉鹿坪壩一路追躡前進初五日至鄭壩探知賊鼠桃子園等處相距祇六十里該鎮三更發兵初六日黎明至水田壩正值該匪等在彼圍攻九打杵石準兩寨勢甚危急該鎮卽分兵兩路追剿我兵甫

抵九打柞寨下詎賊匪已將該寨攻破焚燒草
房數間百姓攜老扶幼正喊哭驚逃之際幸賴
官兵趕到立時搶上喊令本地民人俱聚一處
隨救出男婦大小一千三百餘名口殺斃賊匪
一百餘名餘俱奔竄其圍攻石準寨之賊一見
官兵到來亦立時潰逃我兵乘勝長驅人人鼓
勇直前四散追逐於廣福院沙箕灣蓮花路苑

家山土龍壩等處痛加殲殺斃賊五百餘名生擒頭戴紅頂花翎之黃號偽總兵李尊賢藍號偽總兵孟世臣探馬頭蔡興洪頭戴藍頂花翎王士虎之叔王大谷及旗首何世約張洪修張宗光等七名並男婦二百十七名口奪獲刀矛旗幟二百二十七件騾馬一百四十三頭匹餘匪由黃茅坡中山子榨井壩馬家營等處四散

奔逃訊據活賊供稱有見樊人傑在苑家山被官兵追逼甚急脫去皮袍丟棄馬匹滾巖下去不知生死皮袍馬匹已經認實及將割獲首級令各犯辨認祇認出藍號偽總兵苟忠林並無樊人傑首級自必遁去殊爲可惜並據李尊賢等供稱各股白蓮教向分中東西三線四川稱爲西線均服樊人傑所管此次從陝西竄來原

與徐萬富等商量必欲竄過川西壩若官兵追
急竟由川南奔往貴州不想嘉陵江岸處處有
兵屢次搶渡未能過去又被大兵在南部通江
境內將徐萬富王士虎殺死樊人傑與王國賢
再添泗相商祇可到太平山內暫爲躲避及到
白沙河地方適聞辛聰陳朝觀都在雲陽開縣
境內彼處並無官兵再添泗說莫若與之合夥

從雲陽萬縣上來仍由定遠一帶過江設不能
過再往湖北逃走所以改道由水田壩行走日
來晝夜奔逃實在無從擄食因探聽官兵相隔
已遠原想攻破寨子擄些糧食人口不料官兵
趕上又被剿敗今樊掌櫃與丹元帥自然往找
辛聰等合夥等語薛大烈因賊匪四散必須趁
其尙未竄聚之時分兵追剿當將現獲各犯就

近解交開縣收審並將緊要賊目解赴臣軍營

審辦又恐餘匪有由馬家營竄入老林者該鎮

一而知會託雲泰從明通井迎剿而來遏其竄

赴老林之路一面卽帶兵由榨井壩羊子嶺一

帶追剿前進臣查辛聰陳朝觀顏勝可魏棒棒

李炳劉朝選湯思蛟各股竄匪均由開縣大寧

竄入雲陽境內並據該縣稟報逃出難民供稱

張添倫亦在其內約有八九千人近又攻破安
樂坪紀家寨兩處焚搶糧石擄掠人口勢甚鴟
張亟須重兵進剿刻下薛大烈所追之賊正向
此路奔逸如果賊匪竄合正可合剿臣已飛催

七十五速由開縣進兵與薛大烈兩路夾攻惟
該匪等既有約會大衆欲出雲萬上竄定遠搶
渡之供不可不預爲戒備當卽飛飭許文謨策

剛兵勇上緊防堵臣卽帶兵由梁萬一路直趨

雲陽督辦並可兼顧江防又恐賊匪由大寧屯

山東竄楚省業經飛咨書麟倭什布等派兵堵

截此次薛大烈一路打仗兵勇僅受傷數名容

俟查明咨部現獲各犯俟解到審明嚴辦其川

省被賊近賊各廳州縣本年應徵地丁錢糧謹

遵

旨開單進呈奏入

上命軍機大臣傳諭勒保曰樊人傑等股匪衆屢被官兵剿敗因聞辛聰等現在川東欲往合夥經臣大烈探知賊情卽帶兵由東鄉一帶追躡前進至九打杵地方將攻破堡寨之賊痛加殲戮五百餘名生擒賊目李尊賢等七名并男婦二百餘名所辦尙好現訊據獲犯供稱樊人傑在苑家山被追

緊急脫衣棄馬滾巖逃遁而辛聰陳朝觀顏勝可
魏棒棒李炳劉朝選湯思蛟各股竄匪均由開縣
大寧竄入雲陽境內並據逃出難民供稱張添倫
亦在其內約有八九千人是川北賊氛已靖各股
俱竄入川東此時薛大烈所追之賊正當此路勒
保已飛催七十五由開縣進兵與薛大烈兩路夾
擊而勒保亦帶兵由梁萬一路直趨雲陽督辦此

數股竄匪雖據稱約有八九千人但樊人傑本有
四五千入節經官兵剿殺所剩止千餘人今辛聰
等卽與合夥亦不過零星餘匪一時烏合無難搜
捕看來勒保等三路兵力足資剿辦惟當緊顧江
防勿令又由石板沱一帶竄渡川西而大寧巫山
接近楚境現在楚省賊衆兵單若又添另股賊匪
恐難兼顧勒保尤當設法兜截勿令逸入湖北歸

巴一帶此爲最要前此樊人傑由楚竄入大寧卽由川省防堵不力致令在川輾轉奔逃至今未能剿竣此次賊匪逃向開雲後斷不可復任逸入楚境總須卽在大寧開雲一帶殄除淨盡方爲妥善

同日

上諭內閣曰勒保奏查明川省被賊近賊各廳州縣本年應徵地丁錢糧一摺川省保達各屬刻下賊

匪漸次肅清但念上年被賊較重地方耕種失時
且各屬修築碕寨團練堵禦俱屬認真茲屆嘉慶
六年開徵之期自應酌量情形分別蠲緩以示體
恤所有達州東鄉太平新寧奉節巫山雲陽開縣
萬縣大寧忠州梁山酆都墊江涪州長壽江北合
州巴州蒼溪閬中廣元通江昭化南江南部營山
廣安渠縣岳池義隴大竹鄰水松潘平武南坪等

三十六廳州縣管應徵本年地丁火耗銀米著加
恩全行蠲免其南充定遠鹽亭劍州蓬溪射洪蓬
州七州縣應徵本年地丁火耗銀兩著加恩暫緩
開徵至被賊各廳州縣應徵鹽茶各稅內有滯引
未銷之處亦著加恩一併展限緩徵以紓商力再
石砭廳應行帶徵嘉慶三五年地丁火耗巴縣
應行帶徵嘉慶三五年地丁火耗并帶徵嘉慶

二年輪免案內火耗銀兩俱著加恩分作五年帶
徵全完黔江西充兩縣應徵嘉慶三年地丁火耗
璧山縣應行帶徵嘉慶二年輪免案內火耗及帶
徵嘉慶五年地丁火耗安岳樂至石泉金堂茂州
簡州應行帶徵嘉慶五年地丁火耗銀兩俱著加
恩分作三年帶徵全完以紓民力其石碛巴縣璧
山黔江西充五廳縣緩徵帶徵二三等年地丁正

耗銀兩內有曾經蠲免十分之二者俱著除去蠲
免之數分年帶徵該督務須督飭所屬實力奉行
毋任吏胥影射滋弊以副朕軫念閭閻有加無已
至意

二十四日

庚子

大學士王杰等奏言伏查湖廣提

督原駐湖南之常德府嗣於嘉慶二年辦理苗
疆善後事宜案內經軍機大臣會同兵部議覆

請將提督專駐辰州今據書麟奏稱以辰州距
湖北較遠勢難兼顧請於襄陽設立提督一員
駐劄襄陽府城等語查襄陽係楚蜀咽喉控引
河南之新野鄧州爲全省北面門戶該處水陸
衝要最易藏奸自應專設統轄大員彈壓控制
應如所請准其設立提督一員駐劄襄陽府城
所有湖北全省員弁統歸節制該督又稱將原

駐穀城之襄陽鎮總兵移駐鄖陽原駐鄖陽之副將移駐竹山等語查襄陽鎮總兵向駐穀城距襄陽一百四十里今既設有提督其總兵自應另行移駐查鄖陽控襄陽之上游界連河南川陝幅幘遼潤山林阻深所屬六縣均屬廣袤險要其鄖陽協屬之竹山縣北面緊接陝界西南接四川大寧距襄郡較遠均應如所請將原

駐襄陽鎮總兵移駐鄖陽作爲鄖陽鎮總兵原
駐鄖陽協副將移駐竹山作爲竹山協副將以
聯聲勢而資控馭至湖廣提督向係南北兩省
兼轄今旣於湖北添設提督應將新設駐襄陽
之提督作爲湖北提督原駐辰州之湖廣提督
作爲湖南提督各令其就近統轄以專責成所
有添設兵丁據該督單開襄陽鎮原額兵二千

七百五十名今請添兵九百一十名共兵三千六百六十名作爲湖北提標兵丁鄖陽鎮協城守現有額兵二千一百七十九名添兵二千五百九十名共兵四千七百六十九名其應需兵丁於督撫兩標裁減奏補如有不敷再行召募足額等語查該省督標額兵一千七百九十二名撫標額兵一千一百六十九名按營分佈均

有巡防分守之職若於此項內裁減奏撥不特
道路遼遠難免搬移之勞且督撫兩標兵勢轉
形單弱臣等酌議此項不敷兵丁令該督將年

力精壯來歷清楚之人召募足額仍照該省營
制分別馬步守安設惟新募兵丁均係生手恐
於防守操練一切未能熟悉應令該督悉心籌
酌於就近營伍中將技藝熟悉之兵丁與新募

者各半互相調撥於差操防範更有裨益至前
議裁去漢黃德道改爲鄖陽道員一節查嘉慶
四年十二月軍機大臣會同大學士六部尚書
遵

旨議奏以安襄鄖道駐劄襄陽統轄三府一州襄陽
爲楚豫極衝一切彈壓稽查已爲不易又令於
數百里外兼巡鄖陽實有鞭長莫及之勢是以

議令將漢黃德道所轄各屬分撥糧鹽二道管轄將漢黃德道改爲題調之缺移駐鄖陽以資控制今該督等奏稱漢黃德三府均屬下游要郡該道有督查之責未便請裁所有鄖陽移駐道員之議應請仍照姜晟所議毋庸添設等因該督等身任封圻自係灼見該處情形可以毋庸改駐惟安襄鄖道駐劄襄陽去鄖陽較遠其

於鄖陽要地一切巡防事件是否可以兼顧該
督未經詳細聲明應請

勅下該督確切聲覆以昭核實再提鎮兩標及竹山
協添設移駐叅將遊擊都司守備以下等官應
令該督按照地方情形妥爲佈置及一切換鑄
關防添建衙署各項事宜分別造冊題咨到日
再行核辦奏入

上諭內閣曰原駐辰州之湖廣提督著改爲湖南提督專管湖南通省營伍事宜其新設湖北提督駐劄襄陽專管湖北通省營伍事宜至原駐襄陽鎮總兵移駐鄖陽著改爲鄖陽鎮總兵長齡現在湖北帶兵剿賊屢獲勝仗頗爲奮勇卽著長齡陞補湖北提督所遺宜昌鎮總兵著加恩卽令明亮補授仍用四品翎頂俟續有殺賊立功之處再行加

恩署襄陽鎮總兵孫清元著改署鄖陽鎮總兵其
各該提鎮應行添募兵丁卽飭上緊召募所有換
鑄關防添建衙署各事宜並著各該衙門詳細辦
理

同日

上命軍機大臣傳諭書麟日前據書麟奏請於湖北
襄陽添設提督將襄陽鎮總兵移駐鄖陽等因一

摺茲據大學士九卿議上已照所請行矣至楚省
軍務數日來未見續有奏報現在徐添德一股自
從均穀潰逃之後又竄至何處長齡等會否續得
勝仗其苟李二逆及另股各匪孫清元等由房縣
剿堵是否業已殲淨不令竄入甚爲厯念前因楚
省賊多兵單有旨令德楞泰赴楚協剿德楞泰接
奉此旨自必迅速移師現在德楞泰行抵何處矣

間曾否遇賊接仗書麟自己得有確實信息著卽
先行具奏所有該省軍需銀兩現又不待伊等奏
請令吉慶將廣東省商捐二十萬兩解往楚省又
諭祖之望將湖南省解京捐監銀十萬兩一併解
交湖北共計續撥銀三十萬兩前據該督等奏稱
該省軍需每月約需銀十餘萬兩茲又得此接濟
更可敷數月之用自覺倍臻寬裕書麟等惟當遵

節支用奮勉剿辦俾地方速臻寧謐似此添兵增
餉尙有何掣肘之處不速平賊安民耶勉力速辦
佇膺厚賞

二十五日

辛未

德楞泰奏言竊

臣

前在五郎柴家

關與額勒登保會合公同籌酌分顧大局

臣帶

領原兵南往剿辦龍苟等逆初九日行抵石泉
縣酉刻據興安府並安康縣飛稟龍逆等敗賊

匪人數衆多由紫陽竄來賊探至距城六十餘里之新店啞焚掠窺伺江岸郡城空虛民情驚慌請卽救護等情伏思我兵南向原欲剿辦龍逆等並兼顧楚省茲該逆等旣已竄近府城正是極好機會當卽批飭令其鎮靜防守密備船隻以便兵臨渡江並囑其不許張揚臣卽帶兵星夜前進十一日午後至王婆店又據報賊探

昨至離城三十里之銅車壩地方

臣

當派員弁

連夜趕搭浮橋十二日官兵全行渡過南岸我

兵卽兼程於十五日趕至磚坪探得大股賊匪

已於十三日由磚坪向東南奔竄並詢據逃出

之難民李方來等供稱此股賊匪係龍紹周等

逆共有四五千人還有各處打散幾股或千餘

人或數百人都合夥一處在磚坪一帶住十餘

日他們說山裏難得糧食思量或過江去或到
湖北昨日探馬到安康縣附近處探信拏住鄉
民說知大兵起來雞鳴時候就起營跑走總是

探聽無兵處纔去等語

臣

查漢南現在只有此

起賊匪而東面有慶溥帶兵在黃羊河喜明柯
藩在獅子壩馬玉魁在大貴坪俱係截竄楚境
之路臣現已飛飭慶溥喜明馬玉魁等隨時確

探賊蹤所至相機迎截今該逆等聞兵趕來連
夜狂奔已近川楚交界惟該處路徑紛歧賊蹤
趨向無定刻下大小賊匪數股依附龍逆到處
擄掠是以人數聚而愈多勢頗鴟張但查其中
大半多係被脇之人究屬烏合之衆一經剿擊
自易渙散再查東面楚界現有慶溥等三路兵
力堵截該逆勢難竄越設或奔入楚境

臣卽盡

力截回斷不致有蔓延之患倘被剿截入川自當跟追冀與川兵爲兩面夾擊之計更可易於集事至高馬等逆接據長麟楊遇春來信又在沔縣舊州舖等處痛剿只餘數百人遁入廣南界內該提督業已帶兵跟追諒必即可剪除其楚省徐逆等聞已分竄於房鄖均穀等處勢亦狼狽較前更易剿辦又探聞苟文明戴家營賊

匪已竄入楚境尙未據該省州縣稟報未知確
否第軍務情形朝夕互異臣惟有隨時察看賊
情酌量緩急輕重趕緊剿辦奏入

上命軍機大臣傳諭德楞泰曰德楞泰自本月十四
日奏到帶兵前赴安康一帶過江督剿賊匪後已
閱旬日正深屢念本日據奏行抵石泉後聞知龍
紹周等逆已竄近興安府城卽星夜前進渡過南

岸躡蹤追擊所辦甚好此時龍紹周一股業經竄
近川楚交界併有零星賊股附入龍逆股內德楞
泰務當上緊剿辦將各股賊匪卽在該處剿淨設
或奔入川楚境內德楞泰當察看情形先其所急
目下楚省徐添德等逆尙在房縣奔竄現據奏稱
苟文明戴家營賊匪竄入楚境是楚北賊多兵單
係屬實情湖北原係起事之所現又有饑民屯

聚總不宜令賊久踞較之川省更爲著重總在德
楞泰相機酌辦能將苟文明等逆一併逼歸川境
辦理更易集事再德楞泰帶兵剿賊威望素著其
所到之處賊卽望風逃遁朕聞德楞泰前在川省
剿賊時與勒保互易旗幟賊匪誤認德楞泰之兵
爲勒保之兵致被德楞泰大加剿殺獲有勝仗此
時德楞泰追剿漢南竄匪何不再用前計或佯言

爲慶博喜明馬玉魁一路之兵使賊匪懈於防備
得以乘機痛剿所謂兵不厭詐亦未始非制勝之
一策德楞泰總須乘賊匪潰竄之時設法籌辦妥
爲佈置迅奏膚功佇盼捷音遞到當優加懋賞錫
爵酬庸也勉之望之